

宋詩紀事補遺

宋詩紀事補遺卷之四十五

歸安陸心源

柏齡文輯

喻良能

厚有

葉自強讀書堂

退之宰陽山暇隙唯讀書同年大雅姿文史以爲娛
治劇過暇整日與竹素俱頰首繙漢晉高聲誦唐虞
不善我所鑒善者吾所摹擣腸仍柱腹何翅五千餘
似聞書帶草已復生庭除願言飽經濟舒之彌八區

題李氏擁萬堂

我如王恭讀書少君如鄭侯藏書多排籤插架三萬

軸知從何處能綱羅上自先秦下五季奧帙隱篇皆
略備不同邢邵嬾校讐丹墨精研吁可貴君不見盧
山先生子李子白石房中富文史胸蟠萬卷筆如神
事業文章俱兩美又不見西蜀劉公少常伯今侍講
公字韶美西蜀人也平生醞芹嗜圖藉傾資盡寫中祕書隨身
卷軸車連輒迺來置書事經綸論思獻納日日新君
今堂中書汗牛願君學李兼學劉盡覽英華歸肺腑
一鳴便作沖天舉

題顏范祠堂

聖宋神唐兩鉅人高風勁節許誰論鬪闔自昔宜雙

廟輪奐于今始一新破敵威名優魏國偃藩功業過
張巡後先來作江城守俱障西風避庾塵

次韻王侍御題詩史堂

欲識當年泣鬼神詩皆緝婦與蠶辛洗空千古無凡
馬稱到于今有幾人肯與齊梁充後乘只應蘇李是
前身豐碑更著最佳處傳示宜過一萬春

禹帝祠道中

薰風正欲拂江梅去歲茲晨宿霧開新竹出牆荷貼
水今年潦倒又重來

洞庭秋月

湖闊乾坤日夜浮月明天淨最宜秋
何人獨卧清風裏萬頃烟波一葉舟

漁邨落照

亂山深處水邊村小艇初歸未掩門
吹火煮魚傾濁酒半規斜日照黃昏

吳越王廟

五季流名去不還賴君撫有此江山
嫌名舉世猶知避何況來瞻廟貌間

香山集

謝諤

厲有

龍回院

堂殿塵埃外軒櫺紫翠中凭欄干嶂雨欹枕半窗風得意何妨避尋幽豈易窮分張閒草木一一見春工

延福寺

閱世巖松古隨人徑蘚斑樓臺雲冉冉沙石水潺潺興出崎嶇外身行杳靄間通天知有路一笑檻前山嚴隱君九齡適軒

陶公勲業在姑蘇扁舟歸來春水湖張良亦從赤松子拋擲兵間黃石書平吳戮項本無事所適定非真適意戰酣人境強迴頭晚乃逍遙脫人累先生之適真天然浩氣養得歸林泉一生袖却奪標手名利過

眼如雲烟清風丈室數椽足幕天席地月爲燭徑有
幽花杖履香窗延野竹縹緲綠天邊白雲不可呼空
中野鶴隨所如延年美意復誰解拂塵岸巾聊自娛
松文簾滑琉璃色卧展南華書一帙先生之適眞天
然不速還嗔叩門客

讀書臺

莓苔點點路層層此地分明勝槩增天上樓臺山上
寺雲邊鐘鼓月邊僧青松鶴夢生秋吹寶塔星華見
夜燈消盡塵襟三萬斛石床閒倚古蘿藤以上江
西詩徵

梁介

四川成都人紹興二十七年進士授校書郎乞
彭州歸後遷利州路轉運判官改徙瀘州民夷
便安改瀘南兼安撫瀘州爲一路安撫自介始

登臥龍山送酒

五馬携壺上臥龍四夔聯騎與游從山中古柏歲寒
色應爲清流作意濃

夔州府志

鄧朴

浙江建德人紹興二十一年進士原籍霅川

暑中游大滌

人間之暑如炊蒸拂曉故作山中行山深石古雲霧

集青松十里聞風聲上巖高挂水晶簾下巖碎擊琉璃

盤天風吹作六月雨使我肺腑生清寒山花辭木
蒼苔破幅巾羽士花間坐謂予多賦山中吟憑誰寫
作詩中畫

洞霄詩集

張宋卿

字恭父博羅人紹興二十七年以春秋魁南省
擢進士第由校書郎出守肇慶卒于官

天漢橋

一派銀河木杪飛碧雲飛處彩虹垂免教靈鵲長填
石來看天孫出嫁時

館中憶羅浮寄留仲至曾元功

當年南澗弄泉流妄起功名分外求羣玉峯頭今倦立卻煩清夢到羅浮

春樹江雲我所思平生意味不差池如何驛使行千里不把梅花寄一枝

以上粵詩蒐逸

惠州府志張宋卿母方媛父夢人贈詩曰蓮池上白蓮兒一舉成名天下知四十二年開富貴滿船空載月明歸未幾誕宋卿長以春秋爲天下第一歷官肇慶守卒于官年四十二舟還初殯僧刹名白蓮軒後葬羅浮麻姑峯下前有小蓮池號曰白蓮池乃知夢中句悉合也

徐涿

字薦伯平陽人紹興二十七年武進士官水軍

統領興化巡檢忠訓郎有橫槊醉稿

訪孔文學

山遠晴溪水遠家市槐壇杏夾溪斜門庭不剪青青
草留待春風兩部蛙

平陽縣志

葉抑

紹興二十七年新城縣

深靜堂

亂山蒼蒼溪曲盤烟林漠漠風生寒地幽景絕豈易
到中隱蕭寺環峯巒山僧湧樸寺亦古築室爲堂蔽
風雨深靜豈與眾緣同萬法不傳歸妙處堂前流水

自涓涓屋外松篁不計年。衲子一念俱已盡。不數歲
月明晦遷我來茲堂息塵慮。終日忘形得深趣。明朝
韁鎖西復東。謾寫微言題所寓。

綠筠軒

蕭蕭籜龍蒼且醉。真節凌雲長。叢玉高標自是絕塵
埃。便使人間無點俗。新
城
志

趙復

初名宋汝爲字師禹。東海豐邑人。永康別駕呂
頤浩使之致書劉豫謀劫豫歸朝。蠟彈事泄逃
歸。以右奉議郎通判處州。虜人久捕不獲。會有

知汝爲已南遁者秦檜爲相講和以姓名來求
遺汝爲知行必不免一夕遁去雖家人無知者
一子南強數歲與妻錢氏皆爲有司所拘汝爲
變姓名爲趙復字逸老入青城山前實錄院檢
討官邵博識而憐之青城令楊喬爲營庵於市
金院之旁多往來於健爲盧山二郡李燾爲盧
山郡從事多與之游紹興二十七年卒于青城
縣開先觀年六十汝爲未病以後事託其友人
監永康茶稅王槐孫槐孫爲葬之青城山中後
金人叛盟朝廷求汝爲已死乾道元年推恩官

其子南強

輿地紀勝參

繁年要錄

參

老人村

憔悴應憐范叔寒，南北東西萬里謫。朱顏荏苒變黎黑，走遍天涯常是客。

輿地紀勝

唐季度

字伯憲，金華人。紹興二十九年鄉舉累官彬州教授。

挽呂東萊二首

多士將安放，先生今則亡。正宗傳道德，餘事見文章。
遽作兩楹夢，空遺百世芳。哲人胡不壽，天理竟難量。

交友昔嘗與真誠久愈孚公雖推齒序我實仰師模
提耳言猶在終身誓不渝神馳埋玉處慟哭向長堤

清真觀

不記開山日煉丹惟葛仙清泉汎石滴孤嶂與天連
只就巖爲屋何須木作椽

輿地紀勝

陸律

西安人紹興三十年進士

盈川渡

青草湖頭合舟行向晚天疏燈孤枕宿細雨片帆懸
雁下平沙荻猿啼獨樹烟風塵隨去住鄉思倍淒然

盈川舊縣

茲地舟行數懷人思惘然盈川經此日流水自唐年
廢邑叢春草荒山入暮烟昔賢不可作閑笥讀遺編
以上西安志

沈揆

字虞卿嘉興人紹興三十年進士六年以朝奉
郎知嘉興人號儒者之政九年除祕書少監十
四年爲祕閣修撰江東運副紹熙元年中大夫
知甯國府二年知蘇州四年除司農卿權吏部
侍郎七年朝奉大夫知台州官至禮部侍郎著

有野堂集

題石井泉

靈源一闕幾經年
石上重流豈偶然
漸喜行春有幽事
人間初見第三泉

上方高閣倚層巒
下有清泉一鑑寒
更作小亭供勝覽
盡收吟思入毫端

圓通大士闕茲境
誰遣石湖詩老知
人生流止亦如時
與一來題好詩虎丘志

耿秉

字直之江陰人紹興三十年進士累官兵部郎

中兼給事中直微猷閣知平江軍府事終煥章
閣待制著春秋傳五代會史等書

挽崔舍人

足躡修門甫十年惟餘篇翰富流傳橫經趣得陳編
外草制雄誇落筆先爭美冰銜塵不染忍觀華

隨遷忠輸丹展畿猶在一鑑云亡共黯然

見崔舍人類稿附錄

王信

屬有

第一山

禹迹茫茫萬里天望中皆我舊山川誰將淮水分南
北直到幽燕始是邊

輿地紀勝

林大中

字叔和永康人紹興三十年進士寧宗時知明州

題椿桂堂

詩禮裁陪歲月深流芳到此見天心桂枝競秀椿難老
寬占堂前十畝陰嘉禾

張伯垓

字德象嘉興人紹興三十年進士慶元中以中書舍人兼實錄院同修撰寧宗時知紹興府累官兩浙提點刑獄官至吏部尚書

題崇德莫氏椿桂堂

進士從來榮一第至比梯雲仰攀桂弟兄罕見五枝芳昔說寶郎今莫氏莫氏一門真可榮二難三秀眾美并見聞歎羨不易及往往笞兒親短檠堂下荷衣

戲成伍堂上椿齡奉慈母母夫人是月中娥種得森
森桂如許飛騰從此上天衢豈但森森月桂如更看
勳名相炤耀連珠光彩奪星榆

又

携李于門伯仲佳聲名藉藉到天涯一經早已傳韋
氏五桂今重說寶家滿眼衣冠真盛事幾年棠棣看
聯華蘭臺盍與編青史要使文風萬世誇嘉禾

崔敦禮

字 河北人徙通州靜海紹興進士官諸王
宮大小學教授

至清口聞水闊甚盛邊人言辛巳歲敵騎逼淮劉信叔軍南岸欲載神勁弩至中流射求數舟不可得今戰艦之盛前未有也因成四

韻

曉日旌旗滿錦川沙童初試漢樓船霧櫓天與神機秘擊械人同壯志堅行恐黃河水可渡已聞青海箭先傳佛狸莫問淮邊樹看攬長蛟下沒口

再次陸倅韻一首

催花腰鼓徹涼州午枕驚回蟻夢侯賴有江山餘古意可教詩酒負春游登亭舉酒休論晉借箸成功合

繼留慷慨浩歌風日煖萬山住處接吳頭

何家港捨舟步至新河口三首

夾岸蘆蒿障日微拍隄波浪濺人衣隔江喚得漁船
過貫柳雙鱸自買歸

郭公勾換鮒浮水閒客招邀鷗上灘岸斷溪橫舟不到樹頭依約見梔竿江岸有鳥名郭公漁人云此鳥一叫則鮒魚出

北岸行人南岸山去年人在亂山間山如相識須相笑底事區區未得閒余去冬行東陽下蜀

丁亥歲余留建康夢登大橋仰視霄漢有金書閣字北斗落落布列其側昨夕夜直坐石

渠橋忽見七星低昂正倚秘閣而金書大字
儼然夢中所見信知此事皆有定分非偶然
也

秘宇涵風寒陰陰虛廊浸月靜冥冥寶章玉座神深
地應相誰何會百靈以上見官教集

崔敦詩

字大雅家本河南南渡後與兄敦禮愛溧陽山
水築室居焉紹興三十年進士與父邦哲兄敦
禮同日解褐初主揚州高郵簿兩浙路轉運司
幹辦公事乾道九年授秘書省正字淳熙五年

除樞密院編修官進崇政殿說書著作郎七年遷國子司業八年除直院中書舍人九年卒年七十四贈中大夫著有玉堂類稟二十卷西垣類稟二卷又有文集二十卷饒歌鼓吹曲十二篇奏議總要五卷制海十編鑑韻五編通鑑要覽六十卷

淳熙二年太上皇帝閣春帖子詞

景龍門上華燈動黃鵠池邊翠浪通一一春光須作主從今二十四番風

淳熙七年皇帝閣端午貼子詞

光浮水檻虛黃蓋涼滿冰臺待翠輿日轉槐龍天近
午汗衣猶聽講筵書以上見玉堂類聚

高文虎

厲有

送台倅趙叔明趨朝

羲輪正弭節別駕忽揚鞭游從亦兩暑朋盍知何年
欲敘情繾綣難得形周旋譜系玉爲牒輝華珠在淵
漢家子駿才今世德麟賢游倅丹丘地平分刺史天
婉畫邁前輩陰功培後緣人或得其一君亦幾於全
微涼起天末觸熱趨日邊石橋禮尊者瓊臺訪遺仙
高張天母蓋穩泛雪溪船稽山萬勝稻鏡湖千頃蓮

行庖繫小鮮觸境亂鳴蟬應酬圖畫中懷想冕旒前
早度月千里晴飄風一川清都鬱佳氣絳闕鎖祥烟
放朝上閣後投謁嶽廊先諸公競羅致百辟會班聯
託契荷傾蓋爲僚因贅員猶憑六六魚寄問我沉綿

天台

別編

馮預

字子容河南偃師人紹興三十年進士知衢州
江山縣

句

甲子循環幸一終見南澗甲乙稿

宋詩紀事補遺卷四十九

歸安陸心源伯剛父輯

吳曾

曾字虎臣崇仁人高宗朝以獻書得官累遷至吏部郎中出知嚴州致仕卒有得閒文集能改齋漫錄

羅山

兒時聞羅山窟穴居神仙念之每欲往終爲俗累牽茲晨復何夕風日媚晴暄偶與二三子徑來踐前言崎嶇涉岡澗峭蒨凌雲烟崖斷或如瀉坡平俄若川

有泉自何來但覺聲涓涓潔紆若蛇走往注山腹出
徘徊一灌足入袖風肅肅俄登最高嶺中觀屋數椽
嶙峋老石像摩挲不記年桃花破叢管一笑爲嫣然
石屏與翠壁撲從相後先物色恣觀覽萬界滿眼前
適間同遊人茲爲第幾天不然何秀拔不與眾峯連
長安在何許無乃落日邊十年苦擔擾戰血腥戈鋌
誰知塵外客一壑能自專茲遊恐難再遲留不能前
如何林間月弄影明娟娟催歸猶恨早正恐陵谷遷

江西

南湖上晁侍郎

詩徵

已將政事繼龔黃更與風光作主張見說南湖桃與

李郡人今復比甘棠

撫州府志

三清山

選勝園林興未闌拏舟飛出小溪灣光搖一碧迴環
水翠挹三清遠近山似惜雨晴天恰好真忘名利日
長閑松筠不鎖神仙境携得煙霞滿袖還

撫州府志

吳說

厲有

次書事三首呈郎中機宜韻

當代青雲士皆言子獨賢異時猶未過多難更堪憐
妙契環中趣飽參方外禪海崖孤絕處誰識孝廉船

區宇半荆棘干戈猶未休屢空無計奈多病不禁愁
農具應須辦朝簪便合投全家耕谷口一飽更何憂
棲遁雲巖下無人到此邊階庭穿蚓穴窗戶蠹螭涎
寂寞春將老淹留月再絃羈愁知幾許素髮挽華顚

天台

別編

山中元夕

憶昔觀燈夜維舟天漢灣千官環鳳輦萬炬轉鼇山
異縣方營窟佳辰獨掩關悲涼追往事華髮坐來斑

避地白巖山中書懷

胡虜憑陵甚長驅青海邊携家遭困頓憂國憤連邇

不省歲月換徒驚花草鮮到頭蘇息否洒淚問蒼天

題梁王寺清辯大師房

雲收鶩落天圍淨乞與遊人眼界寬獨恨不當新雪
霽月明來此倚闌干

天台別編

題義節夫人傳

國步阽危古所稀曠無仗節不勝譏得夫人輩載多
難撥亂興衰亦庶幾

丈夫效死以成人何事臨危反愛身有覲閨門全節
義傷今思古淚霑巾

書畫
叢攷

徐公裕

紹興中大府卿廣西運判

浮溪集

朝議大夫充祕

閣修撰見苕溪集累官左中奉大夫提舉洪州

玉隆觀

天台集

英殿修撰寓居台州

筠溪集

建炎丞相成國呂忠穆公退老堂詩

注意惟聞簡帝心聊成退老寓登臨放懷綠野巖瞻
重寄傲平泉國念深海闊水雲和島嶼時清鐘鼓樂
園林謝公豈久東山趣天下蒼生僕作霖

國棟帡幪不日成天河星斗宿簷楹台符影燭江山
麗赤烏光臨草木榮猿鶴從今驚夜帳鹽梅行復作
和羹衰顏白髮塵埃客狂斐裁成繼頌聲

天台別編

胡世將

字永公紹興中徽猷閣直學士左朝散大夫提
舉江州太平觀

癸丑三月十日自涌泉寺過吳文叟山居臨

溪觀魚輒題二詩

雲物起爭巖石秀水泉行帶野花香一山應接知無
暇賴有青春白日長

偶尋勝賞到山扉谿影涵暉動翠微正欲臨流看魚
樂扁舟甯待夜潮歸天台
別編

建炎丞相成國呂忠穆公退老堂詩

雲水郊深退老堂公來野服換龍章四朝盡瘁身猶健一德同寅福未央小憲聊看供放浪神州終倚致平康功成他日歸休地海表家風有故鄉

卜宅他鄉得偃休忘懷過坎復承流功高天地雲龍會心寄邱園水石幽墨客騷人多賦詠金堂玉室縱追遊公今問舍真無負自是口豪百尺樓大台別編

錢師悅

紹興中知長興縣官至少卿

題清樂亭

林亭虛敞依金地終待休官此結廬因共支公話空

理人中清樂更無如

嘉禾志

閻禹錫

紹興中東陵人

題定明大像

造化秘奇勝洪流遶崇巒層樓百仞高下口雲水鄉
空嵌獨秀峯雷霓揮鉛鋗神口口口丁金仙儼垂裳
懸知天壤間異事不可口口嘉興甯川二像遙相望
怒濤喬嶽中涌出大法王奇怪豈人力窺測固渺茫
口口口口口藤蘿胥幽香夜深龍作禮寶炬勝霞光
我生西南陬薄宦游東方覩此兩奇絕憮悅如癡狂

由來豪放詞不付白面郎矧此無盡藏綺語未足償
小詩勒岩阿相與石像長石刻

徐存

厲有

字誠叟號逸平先生

命卜

我命還須我自推細微那更問蓍龜枯莖朽骨猶能
兆豈有靈臺自不知濂洛風雅卷五

萬世延

字叔永樂清人紹興中處士

勉庚游太學

莫放山虧簣終教井及泉

梅溪集

游何

字蕭卿淄州人

紹興己丑七月乘月獨游澹巖書事兼簡零

陵宰君李兄秀實

渡過瀟江日已曛影和明月共三人名岳近郭別州
少好事更誰如我真絕頂有天浮碧樹凌秋無暑斷
紅塵終當早棄人閒事來與山僧作並鄰

湖南通志
金石畧

劉永叔

紹興時人

致爽軒

近山已作巖壑想道邊名園堪稅鞅誰家屋上無青
山惟有心清見山爽

輿地紀勝

李商老

紹興時逸人

寄廣道者

已透雲庵向上關熏爐茗椀且開顏頭顱無意掃殘
雪毳衲從來著壞山瘦節直宜青嶂立道心長與白
鷗閑歸來天末一回首疑在孤峯烟靄間

羅湖野錄

宋泰發

紹興時人

缺題

薰風將去
雨熟黃梅忙
裏偷閑此地來
更欲少留償
逸興長官卻怕晚衙催

石刻

范智聞

高平人

紹興癸亥暮春遊蒼玉洞

山容嶽薛石爲身造化安排氣象勻杳審一灣開洞
府巉巖四立護風塵溪光照野疑無夜樹色參天不
計春誰把翠崖磨似玉喜留詩語記幽人長汀縣志金石

李天才

字邦美紹興間丹徒人

題天竺寺壁

走殺東頭供奉官御香頻降雨猶憚相公端坐都堂
裏天竺觀音又下山

京口耆舊傳天才豪於詩紹興間獻詩秦檜喜將言之上會旱求雨不獲天才題詩天竺寺壁間云云檜聞大怒天才泛海得脫隱居終身

薛同

字僊季河東人

紹興戊午秋因觀畢氏所藏定武舊石本蘭

亭因題

無心工拙當閒暇信手縱橫盡技能朱蠟瞻摹猶若此可憐真蹟殉昭陵

蘭亭次
卷十

鄧犀如

臨川人與兄紹如皆以文稱紹興時人

何尚書山莊

月湖先生樂山水搜奇曾不遠千里那知去郭三牛鳴浮石巖中晦佳致神剜鬼劙有許工天墜地出知幾世平時樵徑所不由一旦屐齒胡爲至比來絕景難久藏竟須好事與經始見之三歎欲忘歸市以千

金不惜費公之得此真無價我亦聞之喜不寐朝來
幽事頗相關乘興縱觀約聯騎霜明日暖馬蹄輕曾
不踰時卽其地噴雲泄霧疑有神旋呼斤斧誅蓁葦
初驚巨石幾百尋突兀嶙峋濕雲氣嵌竇豁元自
開藤蔓駢羅巧相締清滋竹木總堅硬陰生莓苔倍
葱翠老根側出掀蚪鬚幽草倒生搖鳳尾前山一株
橫峩層隔盡俗塵如閉戶褰裳振足履崎嶇搜棘捫
蘿窮幽邃忽有一徑出自然委蛇深隱闊盈咫四面
周圍步轉高心領目擊紛可喜處處山石作奇恠續
續哦詩聊比擬或碧其色如鐵綉或赭其容如酒醉

或分半月隱天形或展胡床圈地勢或露瑪瑙紅而
潤或錯琉璃青且膩或如立壁如拱梁或如卓筆如
布字遞遞逢迎巧獻狀試舉其凡莫殫紀余賀茲丘
有所遭初不遠人人自棄先生一笑與我言平生此
興覺爲累豈期幸會得所圖孰使之然天寶異須臾
更涉層巖巔指云此有無盡意一水繚迂殊有情萬
山四環杳無際規以數椽安一榻時來長嘯舒清思
自惟野性寡所嗜猶喜登臨同臭味剩欲相從爲久

計祝公先了公家事

撫州府志

槐林院二首

野色寒如許山容瘦不禁因閒携竹杖乘興宿槐林
衲子蒙頭坐驥人擁鼻吟南柯休入夢軒冕本無心
竹樹參差合川原遠近分旛旌晴後見鐘磬夜中聞
野碓閒春水春橋冷度雲庭空遊客散鳴鳥自呼羣

撫州志

鄭暉老

紹興中福建人

賀鄭簿生孫

望及清秋到眼明建溪溪上現長庚雲間鸞鷟人間
見天上麒麟地上行釋氏抱來真傑特寶公摩後必

奇英傳家已有今衣鉢會見公侯袞袞生

載江網

王子俊

膺有

賀李憲校書生子

乃翁學海深無底材如莫耶渟清水天教乞與玉麒麟
拍手歡呼爲公喜雪峯千丈玉嶙峋玻瓈之江浸
秋旻可憐秀氣無着處都爲此子融精神昨夜使星
光耿耿旁邊卻有庚星影起來瑞靄迷綺筵玉果犀
錢試湯餅乃翁著書身爲臘私藁自有一石渠行看
一日誦千紙不必更讀他人書乃翁勳名已如許如
何免得洪鈞府精更撰成經國譜付與郎君踵前武

截江

嗣

王曉

字浚明紹興時人

送龐伯可致仕歸天台兼簡致政龍學給事
吳明可文

握蘭肯受二毛侵高節須知映古今煙閣雲臺辭帝
闕風裘雪帽返家林殿廷不待新鳴玉里舍聊揮舊
賜金猿鶴不須驚與怨道人軒冕本無心天台
別編

傅汝

字元魯福建仙遊人以父仁蔭補官紹興末通

判廣州官至廣西提舉

留題雙清閣

森森古木藏齋舍閣瞰長江景倍清疊障望中供遠翠小灘耳畔碎寒聲輿地紀勝

王之淵

紹興時無爲人

應雪木王恭簡得之蜀種

木名應雪匪辭誇比似靈蓍總不差從昔到今凡幾驗一番飛雪一番花樂平縣志

白丙

紹興末左文林郎知合州赤水縣主管學事勸農公事

龍多山次馮使君韻

今日相逢慰別顏獲參後乘訪龍山古仙已去靈蹤
在杖屨尋幽喜共攀

陰陰雲霧埋仙境不放山巒容易開風伯前驅爲除
掃分明認得使君來

王傳

字季平眉州人撰東都事畧以承議郎知龍州
特授直秘閣

謁張文獻公祠

亭舟曲江游吊古謁遺祠巖巖始興公遺澤芬在斯
堂傾風雨萃碑斷苦蘚滋芳春口行旅口日歸文狸
唐宮替無事衡鑒方獨持弼諧展嘉猷讜論非口口
雖雖朝陽鳳粲粲補袞絲側聞卧病後九廟煙塵口
漁陽突騎來中華混羣彝信哉砥柱力用舍同安危
昭陵鐵馬空僊李祚九疑維餘蘭菊存千秋恆若茲
我來薦微誠再拜當前墀顧瞻廟貌間風度猶可希
武溪何茫茫筆峯亦巍巍只今相業隆孰與前修期
臨風一長歎山雨來霏霏

韶州府志

余襄公祠

寂寞孤城野水濱亂餘猶見幾家存女牆落日埋秋草
宮樹啼烏集暮雲百戰徒聞存國步孤忠誰復吊英魂
夜來遺廟荒庭月長逐悲笳不忍聞同上

張順之

婺源人遊鄉校以詩名有練溪集傳世

吳思道見訪

簷鵲數聲清夢斷出門一笑遇詩仙

過清泉寺

聊將遮日手松下弄清泉

送春

暗綠不遮春去路亂紅翻作雨來天

遊白水

白水一泓澄茲山定玉骨

林鶯

金衣數公子端是賢友生羽毛元自好喉舌向來清

薔薇

照我胸中筆吐出江淹文

以上徽州府志

晁子綺

澶淵人之道孫著有歷代紀年

題蘭亭帖

少游寫就蘭亭敘逸韻英姿殆昔人我祖同爲長公
客每於翰墨契精神

蘭亭故卷七

曾憲

是南豐人鞏孫官朝散郎

題仲兄死節

兄志累官司農丞通判溫州需次於越金人陷越不屈死家屬四十餘人

同日遇害

同寅驚膽落罵賊風颶颶君父綱維重華彝道不侔
魂隨金刃達血濺越江流原隰哀然處餘杭涕泣求

江西詩徵

劉子羽

字彥脩崇安人以蔭除修撰後知鎮江不附和議忤秦檜予祠罷歸卒贈太傅謚忠定

鐘模石

誰鑄三鐘藥乳形不須筭簾自能鳴仙君欲奏賓雲
曲只感清霜便發聲

建甯府志

陳彥敏

廣西永福令紹興中人

岳陽

方離嶺海逾千里纔出瀟湘第一州

輿地紀勝

陳曦

字景初福州懷安人終海豐尉○又一人明州人紹興八年進士

姜山

春山多少雨染出碧雲堆巖冷溜常滴人間洞自開
摘花香入袖題石筆黏苔茅屋在何處桃花流水來

宋詩
拾遺

韓世忠

字良臣延安人自號清涼居士封蘄王宋史三百六十四有傳

奉詔討范汝爲過甯德西陂訪阮大成

萬傾琉璃到底清寒光不動海門平鑑開波面一天
淨虹吸潮頭萬里聲吹斷海風漁笛遠載歸秋月落
帆輕芍陂曾上孤舟看何似今朝雙眼明

甯德志

江緯

字彥文常山人以太學生上封事召對稱旨賜進士及第精于經學常築堂開化之華山其从子少虞少齊少漢皆从受業若負笈至者則汪藻程俱李處權趙子晝七人皆有文行時指爲口中虎遂扁講學之堂曰七虎紹興中以言事

忤時相罷歸

和萃清閣

于嗟道力淺日恐世緣熟身雖走朝市夢輒在岩麓
歸來濯塵纓築室濺流瀑簷宿謫仙雲徑荒陶令菊
吟哦格調古衛養神氣肅遐觀狹宇宙幽討遍山谷
林泉無俗韻松柏有清馥悠然梦幻身忍把利名束
吾人蘊長才未肯策高足竭來金溪上共奏紫芝曲
永結忘形交何須醉醞醕開化縣志

徐廷筠

字季節台州臨海人秦檜當國試題問中興歌

頌歎曰此豈歌頌時耶疏未足爲中興者五忤
主司意黜歸卒年八十五

詠竹

不論臺閣與山林愛爾豈惟千畝陰未出土時先有
節便凌雲去也無心葛陂始與龍俱化嶰谷聊同鳳
一吟月朗風清良夜永可憐王子獨知音

宋詩拾遺

陳掞厲有見小傳補正

紹興時人

光滌亭杏花

西郊見說春事濃杏花香發眠東風主人未解此花

意小槽溜溜盃猶空勸君漱灑蒲萄綠好看枝頭紅
映肉莫令風雨遣花飛徒唱人間斷腸曲

琴川志

孫褒

字子稷號楚堂豐城人發從子日誦萬言後登
進士丞相李綱辟參江州軍事未行卒

十二歲作

雪消溪上玉梅寒洗出江南萬疊山曉露未晞幽夢

斷一聲知道是春還

豐城志

吳順之

紹興間知侯官縣

壽某官

下吏南州把郡符除恩猶未放江湖誕辰再拜無他
祝願獻蓬萊清淺圖啟劄載江網

李流謙 輿有

鄴守以石刻屈平昭君像見惠因思大夫之忠貴白日而凜秋霜在所不論而昭君以傾國之艷擅天下之色乃不肯自同眾姬貨畫師以求媚此尤爲可感者賦此篇

璇題朝曠麗椒殿春風香帶日羨寒鴉酒鹽引癡羊那知韶葩妍有此秋節剛千金非我愛所重在行藏

奮然斬畫史低首笑君王呈身由詔王百態恐不當
照影見冠佩豈不羞帷房自從到穹廬幾閣紫塞霜
年年鴻雁歸不寄一字將卻悲降將軍高臺望故鄉
至今青塚上沙草不肯黃吾觀嬌色兒睥睨此濫觴
華闈擅國辟天地爲低昂眼前殺師傅但有涕淋浪
區區一女子去留係毫茫我行桃李村高髻餘舊粧
負薪行汲泉不願同康莊爲計盍不爾乃以美自成
初心豈其然薄命遭彼狂離騷照白日至今祖文章
婉變古稱士後先出寒鄉遺刻共想像再歌重慨慷

贈聽聲上官術士

造化秘密藏凝然大狙宅操縱掌握間殆似不容測
惟人號最霸研窮深探蹟支干究生旺更以形骸索
摸骨與聽聲箇中更奇特無煩覲而知禍福悉已白
至理非口傳妙處從心得官君持此術行盡山水國
所厯多巧中一醉天地窄祇今天下士何啻累千百
紛紛肉食鄙正須囊錐客僕塵埃中豈無鳳毛翮
勿以朝野殊窮通理不隔上方勞夢想胡弗爲指摘
致君堯舜上爾術光史冊若其俗人言懷抱真可惜

題字文叔昭閱齋齋名予所榜也有王正卿
畫四時小景

乾坤萍在江日月蠻旋磨吾生與化俱反照若觀火
蠻觸塵兩明白圈聽一簸射鈎仍相國嬖者死於餓
種瓜乃故侯蹶張終上佐支離竟能賢青黃未足賀
炷香閱茲理萬事一笑可城南有豪士豈但雄于貨
麒麟夢不到林沼計未左便齋惓清闕憑了几眾夥
胸中大水鏡月皎雲破墮世故自起伏一瞬奔馬過
金石波空流檜形老不挫他年觀河性依然等鬢鬢
我友王郎子筆墨出笑唾酒酣酒素壁埃塈不敢涴
春稍有餘妍秋林氣磊砢彈指四時具轉物子亦頗
此機與我同妙出一關鑠予生拙行世泥塗笑龍跋

但存閱世眼空花已成果從今識沉冥甘作枯株生
要知無所聞到岸乃旋柂

觀小兒甞戲

五歲小兒初學步絕藝亦知天所賦想見九牛可倒
曳已堪赤手擒猛虎向來甞戲真偉觀儻未目擊嗤
浪語器小猶須百斤重挾以壯夫端恐仆笑談拈取
兩足上竈轉風旋疾如許便令百試百不失父兄從
傍亦矜詡市人駭歎俱失聲我自平生未曾覩武陽
盛氣蓋全燕寄區狡謀堪禦侮論年固已一倍長此
兒誰肯噲等伍虎變鷹揚看異時經營一飽渾細事

世人稟賦有特異常理未可求其故相秦童子才毀齒說項郎君方斷乳拜歸懷中笑橘墮羣戲道旁知李苦登門已解敘通家對客頗能噴字父劾鼠獄詞老吏服汗簡清規乃翁沮卓識有此更驚人彼以力稱吾未與行行三十知何事但耗太倉如雀鼠慚然自笑仍自憐強說功名在遲暮人言速成當不久如我定應千萬壽

投鬼子止制置

讀書萬卷破轉物一機神道德欣爲御文章妙斷輪聖賢同一處天地要彌綸汗簡窺千古從來只數八

吳甸七千里坤壠六十州宸心寬北闕老子在西樓
召伯出分陝衛公歸相周衰衣人慙意重爲雪山愁
西南雄節制人物妙鑪錘祇鼎非無意登門獨恨遲
正期雲觸石會看菌成芝不信酬恩事君看左顧時

偶成

早年種竹作魚竿笠澤烟波夢未闌已向塵根消縛
脫猶將文字校甘酸風松自有閒官徵溪鷺初無俗
肺肝最愛少游平日語墮薦跔跔遺心寒

宿高橋懷仲明

闌干投晚俯烟霏全不支梧酒力微沙鳥晚寒猶獨

立林鳥趁暝已先歸繚愁亦笑溪爲帶障遠端疑樹
合圍歲宴客天無好夢最憐清露漬人衣

澹齋集

宇文紹莊

四川雙流人師獻之從孫紹節從弟官知州

踏磧

八陣圖前凜古風武侯英烈豈匆匆江流千載長鳴
咽山挿孤雲亦蒨蒼陡覺新春忘病思喜陪高論自
情鍾典型前輩今能幾歲晚相期華髮同

夔州府志

鄭如幾

字維心太末人寓雪上從葉夢得沈與求遊不

求聞達無位而終作魏春秋以正陳壽紀載及

裴松之所注

與葉少蘊唱和

看朱成碧醉中眼施粉太白尊前人

浩然齋雅談

呂大器

壽州人本中從子

訪桂大受宿壩上

先厯隋唐幾百秋殘編蠹簡可尋求四圍鐫石皆蒼
鱗幾曲蓬灘遶碧流唐代尚書徵往蹟秦時博士想
前謀遙口古帝西山墈指點桑林作故邱

宋詩拾遺

宋詩紀事補遺卷四十九終 男內閣中書樹屏校

宋詩紀事補遺卷五十

歸安陸心源伯剛父輯

鄧仁憲

字夢符紹興中兵部郎中

次書事三首呈郎中機宜韻

狎鷗東海上結友竹林賢國難知誰救途窮祇自憐
空花迷眼界秋月契心禪未起歸歟興重尋載酒船
五星不循軌征戰未應休婦歎懷空室鶴鳴增舊愁
劉公三見顧諸葛萬機投四海今多病維摩分外憂
明月杖頭掛嘯歌滄海邊自聞獅子吼盡吐野狐涎

酒興如流水詩情似直絃巖花應未老更上白雲巔

次避地白巖山中書懷韻

避地南來極吾鄉北斗邊風塵今阻隔途路舊迤邐
閭里千門盛湖山百卉鮮故鄉歸未得飛夢入青天

瀑布泉在靈岩和宣仲

鮫人對泣號且呼洒落瀛州萬斛珠海神知貴不敢
受天地瀉下扶焦枯初疑素霓隨銀漢漸似明月投
冰壺廬山瀑布幾千丈較此不可分鑄銖膠西先生
春睡足喜見晴光散寒玉武陵迷路初不知錯認松
風響巖谷金波滿泛琉璃鍾長揖雲峯謝拘吏更約

青蓮社裏人同向蒼崖結茆屋

天台別編

陳尙文

號漫翁字質夫休甯人與兄尚忠並游太學皆
特科仕止簿尉尙文以杜鵑詩知名號陳杜鵑
題江國錄先生石室

海甯邑屋千山環幽人更愛山中山山城已遠人烟
寒江君石室深嘗悅君十載棲長安焉能斂翼榮
巖巒卧龍要自南陽蟠東山不爲携紅顏迺來側身
天地間不如一室中寬閒探書禹穴萬卷完養成霧
豹非一斑素琴無絃心自彈泰山高高水潺潺山中

圓兮誰往還雲無心兮抱幽關青山白雲足爲侶無
心胡爲戀君宇冷君衣裳潤君礎人間歲月易今古
傳說一去不可仁蒼梧何如出飛雨不崇朝兮蘇九

士新安文
獻志

婁乾曜

嘉興人機之祖官將仕郎贈少保見攻媿集婁

機碑

潺潺閣

一派泠泠繞檻清塵襟洗滌自涼生夜深如夢才驚

破疑是半天風雨聲

輿地紀勝

張璣

字全翁湖北安陸人官京東轉運使坐公事降
通判太平州

與葛洪

提司坑治是新差職比催綱勝一階若發薦章求腳
色不官蹤跡久沈埋

湖北詩徵傳畧葛洪爲提舉坑冶
取璣腳色欲發薦章璣與詩云云

李季可

永嘉人紹興中著松窗百說王十朋極稱之
臨江太守生日

道路盡歌賢太守，祈願萬人同一口。只應憫及黃衣兒，亦使銜環致君壽。

見松窗百說

松窗百說孔子之文可謂有補矣，猶曰我欲載之空言不如見之於行事之深切著明也。尚恐其文之無益至他人可知矣。然自晉宋以來尤病而詩賦歌詠爲甚。僕近代人作臨江太守生日詩，未云云諷守事雖多而此邦以黃雀遺權要殺害之眾所獨也。中人以上聞之當少戒焉。詩成送所代云閭守有不嗜鮮者，歸去此雀以萬數飛翔送之。

劉方

題玉虛觀壁

南臺親舊再焚修，鸞鳳排迴瓦樹留芳草。滿時迷白鹿，

落花深處卧青牛九天婉轉雲常在萬樹縱橫月
不收應是廬江人不識蟾宮遺下水晶梅

方輿勝覽

劉仲行

送筭與屏山

舞龍戢戢破苔斑風味從來奈歲寒知有高人清愛
白定應燒煮薦珠盤

戴江綱

張體仁

字元善浦城人本姓詹初嗣其舅張後復本姓
隆興元年進士累官江南提舉常平宋史有傳

失載復姓事

體仁無似與提刑郎中起巖年兄同州里弱
冠同場屋已而廬末第又幸同年仕路參辰
蓋不相見者二十有七年體仁濫司庾事而
起巖持節蒞憲臺暇日從容語舊故慨然念
人生會合之難厯數同年之在吳中者僅十
數人因相與持杯酒敍平生道契闊禮雖簡
淡而意實有餘旣畢起巖復以詩紀本末清
切婉麗歎味不足輒次韻拜呈伏乞垂矚

秋鴻社燕巧相違從古交遊會合稀海內弟兄今有
幾吳中賢士得相依已消桃李爭春意且向桑榆共

夕禪回首慈恩舊題處年華心事逐雲飛石刻

唐子壽

字致遠蘇州崑山人隆興元年進士

姑蘇臺會同年次袁說友韻

人生會少足喫違尊酒相從又復稀我輩散材誰見
數公持華節幸相依題名鴈塔思當日曳徙龍門借
夕暉會見十行來日下禁塗高處看橫飛石刻

陳德明

字光宗三山人隆興元年進士

姑蘇臺會同年次袁說友韻

舊交牢落才心違
門掩蒼苔省見稀
幸遇星郎分刻舉
參聯桂籍得歸依
公方闊步鳴先路
我獨冥行怨落暉
遙想登臺高會處
應憐烏鵲正南飛

石刻

胡元功

字國敏蘇州長洲人隆興元年進士

姑蘇臺會同年次袁說友韻

佳辰勝集不相違
慨念同年會遇稀
獨有二天均覆廕
歸來三徑幸棲依
詩篇酒醕論時事
山色湖光映夕暉
自愧衰遲與榮觀
擬將委翅附高飛

石刻

章解

字仲濟浦城人吳縣籍隆興元年進士

姑蘇臺會同年次袁說友韻

咫尺天顏祇翫遠兩臺聯桂世誠稀共觀鵬運垂雲
舉還幸魚寒密藻依賦政將明仲山甫登樓吟詠謝
元暉要津自足升英俊六鵠毋令恨退飛石刻

句

度險聊憑九節杖凌虛來謁三花巖

輿地紀勝

成欽亮

字仲鄰蘇州崑山人隆興元年進士累官朝奉
大夫知峽州淮東提舉常平

姑蘇臺會同年次袁說友韻

鷹塔從游歎久違盍簪話舊一何稀
鵬程暫駐皇華重魚隊欣逢涤水依詩唱
珠璣跳月峽酒行杯翠濕春暉吳門盛事彰
施了兩兩台星挾詔飛石刻

周承勛

字晞稷廣德人隆興元年進士

姑蘇臺會同年次袁說友韻

青雲紫陌不相違四海如公省見稀身在外臺嚴刺
舉詩來屬邑慰瞻依珠園授筆驅春雨澤國揚帆送
夕暉留落而今待公道敢言一片羨羣飛石刻

王藝

字文卿一作子藝蘇州吳縣人隆興元年進士
姑蘇臺會同年次袁說友韻

瓊林春暖記分違敘好如公在昔稀魚腹一書勞遠
寄鵠枝三匝幸相依初筵雖負兵厨約餘愛終分趙
日暉從此吳門書盛事卽看丹詔鳳銜飛石刻

陳讌

屬有

南山

天造其山在貴之陽二十四峯拔地峭剛其山維何
如彼玉蒼宅位於離火德之祥南山何有有方其巖

若堂甚夷若門者三穹者圓蓋植者羽參石像天成
匪鑿匪剗陟彼山巔有洞益奇南北戶通千里瀕關
伊晉之洪采榮于斯丹飛井雷木潤草滋昔我太宗
雲章下賚於皇仁廟奎文狎至巖處有輝神護孔闈
丕昭聖朝聲化遠暨南山不騫天子萬年南山不朽
天子萬壽無量惟壽與天齊久小臣作詩永颺於後
彈丸山

地迥山奇怪神仙喜穴居百雲刻洞巧五石補天餘
商野幽人夢周南太史書心平愛邱壑勝概一躡躇

廣西通

志山川

陳璉

南陽人讌次子

七星山

六丁何年開翠岑
穹窿石室高千尋
烟生丹竈人常在
花落碧桃春又深
倚巖懷古成浩歎
掃壁題詩還獨吟
日華月華去已遠
玉笛誰能傳妙音

廣西通志山川

陳澤

字澤民仙居人隆興元年進士終宣義郎○又一人南城人紹聖二年進士

句狼山

泉石曾經六一評到今草木亦知名

輿地紀勝

張績

厲有

萬安驛

勁兵重作付胡奴
毆雀毆魚計自疏
地入萬安知幾許
卻憐此地始回車

羅江縣志

黃適

字景聲邵武人隆興元年進士不附韓侂胄出爲江西提刑請老歸自號熙堂野老

武夷

閑將綠綺弄清音招得青山作故人煙靄謾呈千樣

巧松篁長貢四時新

輿地紀勝

丁可

字無可號蟠廬天台人隆興元年進士終于監行在惠民北局有文公藏于家見赤城志

題寒巖寺

大塊中間一竅開佛龕僧塏偏巖隈羣峯爭汎玄雲
出絕磴祇容幽鳥來蝠穴巧藏人世界鼇山驚現蜃
樓臺重來又與山僧別鐘鼓無情鶴自哀

夜對巾山題客樓

兩峯高並玉瓏鬆絕頂浮圖挿暮空飛雨入簾煙樹

暝半天燈火幻疏紅

天台別編

張孝忠

字正臣鄞縣人登隆興元年第朝請郎權知荆
門軍官至直寶謨閣知金州兼制置使參議見
江甯府志書錄解題

過盱眙

淮海無波塞不塵題詩因得弔遺民山河信美今戎
索耆老雖存亦外臣

輿地紀勝

李祥

字元德號小山無錫人隆興癸未進士以直龍

圖閣致仕卒謚肅簡

挽韓尚書

社稷元勳絕代無夙瞻先德在龜趺風雲感遇依鱗
翼鸞鵠棲停映竹梧偃武承平開聖治投戈委質尙
文儒紫荷舊向芳年折遺恨猶稽到六符

挽郭知府

平生孤苦范希文蓋世功名自立身要識鄉閭稱孝
子定知宗社作忠臣一麾未足搏雲翼五鼎猶懷念
棘薪悵望新阡無路到他年宿草亦沾巾

梁溪詩鈔

挽崔舍人

聲聞江淮滿文章燕許期棣華聯秀萼椿老見芳枝
壁水風流盡金鑾寵遇私哀崇極閨飾理玉更成悲
見崔舍人

類纂附錄

游少游

少游字希卿南豐人隆興元年進士贑州教授
攝永興令遷知廬陵縣通判南安軍擢知澧州
官至朝散大夫賜服金紫有文集

題石仙洞

石巖嶽巒跨龍虎有客巖前避風雨篆文委蛇蟠玉
書流鈴擲火煩守護冷翁蛻骨黃金容千年古木何

歎空無人喚起玉霄夢
閒卻碧桃丹杏風
令威白鶴去不歸
麻姑丹砂疑是非
長松滴翠挹北斗
流水泛花迷舊溪

江西詩徵

寶雲院

石徑緣雲艱復艱
不知蕭寺駐林間
餘香滿袖花驚眼
空翠沾襟雨暝山
早晚報衙蜂擾擾
友朋相和鳥關關
我來亦被浮名縛
那得高僧一樣閒

禪寂院三首

簿書叢裏匆匆過
小白長紅總自芳
獨到遠村渾不惡
綠陰深處野花香

黃雲翻盡水平田時有農耕破曉烟熱氣漸深牛易
喘不須辛苦更加鞭

柳絲風颺馬蹄輕又作長亭十里行爭似老僧無一
事白雲欹枕聽鶯聲

田南寺

舊作惠濟寺

我本無心似白雲應緣未見宰官身何時鐵笛千山
首吹起梅花一點春

香山院

誰將萬斛旃檀子撒向千春古道塲萬壑曉風吹不
斷至今猶自滿山香上高縣志

馬之純 贈有

白鷺亭

白鷺亭前白鷺飛
山如屏障水如圍
水中獨立鸞窺鏡
沙上羣行雪滿磯
無日不來爭碧樹
有時同送落斜暉
江山得此真成畫
撩得遊人不憶歸

東陽縣志

擬嵬亭詩

吾縣西嵬峯亭以擬嵬名嘗見父老說寺中有碑銘
昔晉殷仲文作郡有政聲去而人思之屐齒有餘榮
余聞諸老說此事不可憑臣子從弑逆罪合五鼎烹
桓玄在荊州世爲晉公卿一朝睨漢鼎舉兵向金陵

是時殷仲文寶守新安城棄郡以從玄惟欲事逆成
策命九錫玄未至先經營桓楚旣竊位寢所地忽崩
仲文於此時巧言如簧笙其後玄事敗奔走向南荆
仲文憂不免奉二后還京叛晉復叛玄鼠雀同偷生
奇奴後代晉又欲居朝廷出爲東陽郡怏怏無好情
嘗覽鏡自照不見頭顱形豈非從逆者未誅先受刑
無忌牧荊州仲文嘗趨迎便道不過府無忌殊不平
言于宋武帝此輩謀舉兵宋武盡族誅流血幾成坑
襄陽羊叔子當世之豪英不當擬其名流傳汚吳甯
疑別一牧守偶與同名稱此名若果然山鬼怒非輕

緬想唐戴令政聲極鏗鏘曾有長源碑在夫子廟庭
曷易曰戴峴庶以慰編氓稱之名義當兼可怡山靈
嘗讀晉宋書抵掌氣填膺安得仍擬峴千載愚民生

祀馬將軍竹枝詞

曹州孽火遍燒天口口兵車只漢川若得將軍把關
要鴉軍不用過山前

其四

麥隴桑疇溪路斜口口溪北自千家當年戰守知誰
力好把寒泉薦菊口

其六

松山父老至今思口口將軍歸不歸岩頭草木成戈
戟雨後溪聲聽鼓鼙

其七

倒指於今四百年竹口祠宇尙依然藤蘿掛木長如
旆苔蘚侵碧碧似錢

東陽縣志

許綸

厲有

王晦叔惠聽雨圖次蔡韻奉寄并序

丙申仲冬予以告糲至天長令君王晦叔出所
藏書畫有蔡天啟聽雨圖予擊節愛之蓋蔡所
畫者平岡老木遠水歸雁作蔡卧小舟雨者滕

公令截筆也蔡又以二絕句小楷凡二百五十
七字跋其上以遺其叔祖王彥舟皆精絕晦叔
作字有徐季海風氣暇日從予借金石刻酒行
謂予曰予絕愛子唐開河碑顧未有以博此者
予戲指屏間聽雨圖曰此足以當之晦叔笑曰
非吾家舊物直不靳于子矣後月十三日晦叔
自淮陰瀆頭頓所苦異下予是日亦往高沙轉
粟以書別王曰開河碑或果欲之第意所欲損
者得一種足矣繼有皂衣乘急騎追予舟至五
里許出卧披畫軸則聽雨圖也予旣歎晦叔能

割愛以取好明日舟過小五湖水天相接雪意
垂垂孤雁叫羣洪濤拍枕因感蔡跋語有句作
詩畫今六年而終踐之語紹聖丙子至今復八
十年矣而予旣得畫宛如所更感慨久之乃次
蔡韻以寄晦叔且爲佐書蔡跋以當畫記云
拂拭滄波遠接天摩抄喬木老生烟題書作畫人何
在萬古蓬窗一覺眠

常日京華藪澤思六年身悟畫中詩須知妙處無今

古得畫還如聽雨圖

涉齋集

鄭伯英

厲有

自新昌入天台

升高無過胡孫搆行險勝於老鼠梯何事將身來試
比要參大士石橋西

石橋煎茶

白髮青山故倦遊何人能辦釣鰲鈎卻逢大士開青
眼現出茶花五百瓣天台別編

宋之瑞

字伯嘉號樵隱天台人隆興元年進士二年三
月除祕書少監四月爲中書舍人中典館
閣續錄歷華
文徵猷閣待制知江甯府以光祿大夫致仕見

赤城志

洪陽洞

天台自是神仙窟常恨平生游未足竭來訪古得洪
陽不憚攀躋冒炎酷當年事往雖渺茫至今峭壁摩
空蒼豁從洞口見穿穴始信靈蹟出天藏細泉滴乳
散瓊瑤亂石徘徊互擎攬上施牀几看燒丹旁布塍
畦閒種藥虛舟聊具仍馭風靈源暗與江流通欲攜
東轡恣幽討卻疑深處藏蛟龍惜哉此境真奇絕地
偏往往成湮沒僅存野廟傍山阿儻非好事誰留轍
吾衰重到定無期肯辭屢足陵丹梯共言荆榛無路

入徒羨翠羽穿林飛安知咫尺蓬萊隔邂逅仙人還
不識謾書所厯記吾曹歸向天台詫泉石

舊江西通志

遊石橋二絕

石梁橫亘不知春閱盡憧憧幾許人正使更無蒸餅
礙可能前路絕荆榛

應緣心在已心空方廣那知只此中金爵茗花時現
滅不妨遊戲小神通

天台別編

邱窑

字宗卿江陰人隆興初舉進士除國子博士宰
相虞允文舉以自代光宗時爲四川安撫制置

使兼知成都府終同知樞密院事卒贈太師謚

忠定

和精舍雜咏五首

精舍

我讀精舍篇夢作山林客從今夜不眠寒燈歌白石

晚對亭

蒼山開青屏屹立儼無對下有岸磧人意氣壓空翠

鍊笛亭

橫笛人何在山空花自開不妨聽晚弄聲與壯心來

釣磯

清溪轉迴環石磯脩深碧公來坐忘歸此意白雲識

漁艇

世路風波惡扁舟去佳輕中流發清唱千古有遺聲

武夷山志

詹羽

字翔父福建甯德人隆興元年特奏名官主簿

西陂

野渡扁舟自在浮慣來江上不驚鷗一竿釣破滄浪

月喚入蘆花暗點頭

甯德志

宋恭甫

字逸齋瑞安人隆興元年仙遊尉累官京西安
撫司參議

社日不飲

漪漪細浪生蒲葉剪剪輕風破柳芽不飲恐孤今日

社強隨兒女挿桃花

宋詩拾遺

劉天麟

泉州晉江人隆興元年進士

題黃子中南陂集

自歎苦吟詩不老羨君詞氣凜橫秋爭如刀坐茅簷

下得見凌雲五鳳樓

泉州府志文苑

宋詩紀事補遺卷五十終

男肉閣中書樹屏校